

Январь 28 лун
1939 год
№ 8 (612)
Месяцö петö
10—ись

ТОМ БОЛЬШЕВИК

(Молодой большевик)

ГАЗЕТА ВЪЛЭ
ГИЖШАН ЦЕНА

1 год кежö 9 р. 60 к.
6 мес. кежö 4 р. 80 к.
3 мес. кежö 2 р. 40 к.
1 мес. кежö — 80 к.

Редакциялön адрес:
г. Кудымкар, Горько-
го 27 (б). Телеф. 1-87

ВЛКСМ Коми-Пермяцкöй окружкомлön да Кудымкарскöй райкомлön орган

ВЛКСМ окружкомлön сись, принциптöм руководство вежöм

Январь 21 лунö чулалис Коми-Пермяцкöй ВЛКСМ окружкомлön пленум, кöда олобритис Пермскöй областын ВЛКСМ ЦК оргбюролись решеннë ёрт Дымшаковс ВЛКСМ ОК секретарь пост вылись чапкöм да ёрт Гагаринс "Том большевик" газеталöн редактор пост вылись чапкöм йылись.

Пленум аслас решеннëн гижис, что ВЛКСМ ОК-ись руководящöй работниккез и медодз сылön секретарь ёрт Дымшаков керисö öддëн ыджыт политическöй ошибка, кöр эз пунктö асланыс практичскöй удж подö ВЛКСМ ЦК-лön IV пленумлись решеннëз.

Округись уна комсомольскöй организацияезын öвöда абу-на разяснитöмбсь был комсомолецлö ВЛКСМ ЦК-лön IV пленум решеннëзлизь пытшкөсö, абу вайöтöм был комсомолец сознаннëдз ВЛКСМ ЦК-лön VII пленумлись решеннëз да партийнöй пропаганда сувтöтöм йылись ВКП(б) ЦК-лись постановленнë.

Комсомоллöз окружком да сылön секретарь ёрт Дымшаков эсö мобилизуйтö комсомольскöй организациясö энö решеннëз тыртöм вылö и эсö пессьö комсомолецез коласын морально-бытовöй разложеннë факттэзкöt, а нельки, асьныс вевтисö морально-разложившöйезö не то-ко первичнöй организацияезын, но и комсомол окружком аппаратын (Любимова, Петухова). Вöлисö морально-бытовöй разложеннë факттэз ВЛКСМ Гаинскöй РК аппаратын. Юввинскöй районся Архангельскöй школаись 12—16 годся велöтчиссез-вывкаоккез олöны половöй сланöн этажö школаись велöтчиссезкöt-зонкаазкöt да гырись мужиккэзкöt. Уна ёртэз комсомольскöй активись пируйтöны да хулиганитöны (Никулин—Гайна, Баталов, Калашников, Чувилин—Юсьва).

ВЛКСМ ОК-ын уджались ёрт Петухова, кöр вöли командировкаын Юрлаын, сы туйö, медбы пессьыны морально-бытовöй разложеннë факттэзкöt, ачыс лэдэс бытын некомсомольскöй поведеннë.

Окружнöй комсомольскöй газета "Том большевик" да сылön редактор ёрт Гагарин эз лэбты роль окружнöй комсомольскöй газетлись колана политическöй высота вылö ния базө-

бразияэзкöt пессьöмын, кöдна вöлисö окружком аппаратын да низовöй первичнöй комсомольскöй организацияезын. Газетаын большевистскöй критика да самокритика туйö, сы туйö, медбы принципиальнöй сувтöтны газетаын вöпроссэз да пессьыны газетнöй заметкаэз действительность понда, Гагарин быдöсын миритчис Дымшаковкöt, деловöй отношеннëз ния вежисö семейственностьöн и токо сийön медбөрря кадöдз Дымшаков да Гагарин синнëз одзын вöлисö бытовöй разложеннë факттэз да весь олöм ВЛКСМ ОК аппаратыс мукöд уджалиссезлөн.

Мыля ёрт Дымшаков и ёрт Гагарин энö недостаткезсö эз кужö быртöны? Мыля ния эз оправдайтö политическöй доверисö комсомольскöй организациялись? Сийön, мыля ния öндз эз вежöртö наредлөн врагезлись комсомолын подрывнöй удж особенностез бытовöй разложеннë пыр. Сийön, мыля ния вöлисö политическöя небыдсөн арелöйезöн. Ния пыдына эз велöтö мяня большевистскöй партиясль история, эз овладевайтö Маркслөн—Энгельслөн—Ленинлөн—Сталинлөн революционнöй теориян и сысянь практичскöй удж вылын окажитчисö способностез тöг тыртны нылö поручитöм дело.

Округись комсомольскöй организацияэз одзын öни задача сулалö сыны, медбы эсö öтпыр обсудитны ВЛКСМ ЦК-лön IV да VII пленуммезлись решеннëз, лэбтыны вевдөрö да конечöдз нетшкыны сись, принциптöм руководстволись практика округся комсомольскöй организацияын. Том отир да челядь воспитайтöм сувтöтны колöсидз, кыздэ этö корö комсомолсянь мяня партия да ёрт Сталин.

Январь 30 лунö оссьö окружнöй комсомольскöй конференция. Конференция вылын колö деловöя, вылын политическöй уровень вылын обсудитны ВЛКСМ Округкомлись удж, отметитны быдöс недостаткез, керны практичскöй предложеннëз округся комсомольскöй организациялись удж бурмötöм йылись да окружнöй комсомольскöй организацияын руководитöм дывнö бөрйны сэтшöммезсö, кöдна лöсъялöны деловöй да политическöй качествоз сьöртi.

Пермскöй областын ВЛКСМ ЦК оргбюролön 1939 годся январь 15 лунсянь постановленнëись

Пермскöй областын ВЛКСМ ЦК-лön оргбюро **ПОСТАНОВЛЯЙТÖ:**

1. Моральнöя разложитчöммезсö вевттьöм понда да организационнöй руководитöмын политическöй ошибказ лэдзöм понда ёрт Дымшаковс чапкыны окружкомлön секретарь пост вылись.

2. Редакцияын коллективнöя пируйтöммез лэдзöм понда, газетаын большевистскöй критика отсутсуйтöм да округся комсомольскöй организацияын морально-бытовöй факттэзкöt пессьöм отсутсуйтöм понда, газетайн руководитöмын ошибказ лэдзöм понда—ёрт Гагаринс чапкыны газеталöн редактор пост вылись.

3. Январь 20 лунö öктыны ВЛКСМ окружкомлись пленум; поручитны ёрт Бельтюковлö разяснитны ВЛКСМ ЦК оргбюролись решеннë.

ПЕРМСКÖЙ ОБЛАСТЫН ВЛКСМ ЦК ОРГБЮРОЛÖН СЕКРЕТАРЬ ВОЛГИН.

ВЛКСМ КОМИ-ПЕРМЯЦКÖЙ ОКРУЖКОМ ПЛЕНУМЛÖН ПОСТАНОВЛЕННË

Пермскöй областын ВЛКСМ ЦК-лön Оргбюро секретарлись ёрт Бельтюковлись юртöм ёртэз Дымшаков да Ильиных докладдэз сьöртi, окружнöй активлön да комсомоллön Кудымкарскöй районнöй конференциялön итогез сьöртi оргбюролön решеннë йылись кызвöм да обсудитöм бөрын Пленум лыддöй правльнöй öн ВЛКСМ ЦК оргбюролись решеннë ёрт Дымшаковс комсомоллön окружнöй комитет секретарь пост вылись чапкöм да ёрт Гагаринс "Том большевик" газетлön редактор пост вылись чапкöм йылись, кыздэ морттэзсö, кöдвэ эсö оправдайтö политическöй доверие комсомольскöй организациялись.

Комсомоллön окружнöй комитет да сылön секретарь ёрт Дымшаков эсö мобилизуйт комсомольскöй организациясö ВЛКСМ ЦК IV-öt пленумлись решеннëз тыртöм вылö, эз пессьы морально-бытовöй разложеннë факттэзкöt, кöдна вöлисö комсомолецез да актив коласын, а нельки ачыс вевтис моральнöя разложившöйезсö не токо первичнöй организацияезын, но и окружком аппаратын (Любимова, Петухова).

Комсомоллön окружнöй комитетын эз вöв настоящöй большевистскöй критика да самокритика, а вöлисö критика да самокритика жмитан факттэз.

Окружнöй комсомольскöй газета "Том большевик" не токо эз пессьы морально-бытовöй разложеннë факттэзкöt, но миритчис нывкöt да эз критикуйт негоднöй порядоккез, кöдна вöлисö окружкомын, райкоммезын да уна первичнöй организацияезын. Эта вермись лоны сийön, мыля газеталöн редактор ёрт Гагарин овсис Дымшаковкöt,

деловöй отношеннëз ния вежлисö семейственностьöн, мый результатын вермисö лоны морально-бытовöй разложеннë факттэз молодежь да велöтчиссез коласын, кыздэ Архангельскöй школаись велöтчиссез олöны половöй оланöн, уна ёртэз комсомольскöй активись пируйтöны да хулиганитöны (Никулин—Гайна, Баталов, Калашников, Чувилин—Юсьва).

ВЛКСМ ОК-ын уджалиссез районнëзö командировкаэз коста не только эсö отсалö райкоммезлö да первичнöй комсомольскöй организацияэзлö лэбтыны вевдөрö да пессьыны морально-бытовöй разложеннë факттэзкöt, а асьныс лэдзлисö подобнöй факттэз (Петухова).

Уна школаэз абу обеспечатомась пионервожатöйезöн, мыйсянь эмöсь пируйтöммезлөн да хулиганитöмлön челядь—велöтчиссез коласын случайез.

Велöтиссез, кыздэ правило, öддëн етша участвуйтöны школаэзись пионерскöй организацияэз уджын да челядьлись досуг организуйтöмын.

Пленум отмечайтö, что чулалötöм окружнöй комсомольскöй актив лэбтис вевдөрö небольшиескöй порядоккез ОК-ын да морально-бытовöй разложеннë факттэз мукöд комсомолецез коласын, но эз кор быдöс политическöй выводдэз ОК-сянь, а примитöм резолюцияын лэдзис неправильнöй формулировкаэз.

Пленум лыддöй нетерпиманабн, кöр ОК-лön бюро нельки эз обсудит активлись решеннëз.

ОК-лön пленум **ПОСТАНОВЛЯЙТÖ:**

1. Морально разложившöйезсö вевттьöм понда да кыздэ политическöй дове-

рие неоправдавшöйсö ёрт Дымшаковс петкötны окружком бюро да пленум составись.

Пленум поручайтö ОК-лön бюролö обсудитны, позяс-я ёрт Дымшаковлö вöвны комсомол ряддэзын.

2. Корны ВКП(б) Округкомбс видзötны вопрос ёртэз Дымшаков да Гагарин партийность йылись.

3. Пленум поручайтö Кудымкарскöй ВЛКСМ райкомбс видзötны вопрос, позяс-я кольны ёрт Гагаринс бюро членöн, райком пленумö членöн да комсомол ряддэзын.

4. Сетны выговор ёрт Кашинлö, кыздэ мортлö, кöдэ эз проявит большевистскöй немиритчöм да пессьöм окружкомын не-большевистскöй порядоккезкöt. Пленум предупредайтö ёрт Кашинс и корö сысянь удж мөдкодсötöм, оз-кö этö кер, сыкöt лоаск примитöмбсь строгбйжык взысканнë мераэз.

5. Пленум поручайтö окружком бюролö обсудитны ёртэз Петуховабс, Калининс да Шадринс окружкомын да газета редакцияын удж вылö одзланë кежö кольöм поэян йылись.

6. Пленум обяывайтö ВЛКСМ райкоммезсö чулötны велöтиссез-комсомолецезкöt районнöй собраннëз, кытөн обсудитны морально-бытовöй разложеннë факттэз велöтиссез да велöтчиссез коласын да нывкöt пессян мероприятияэз.

7. Пленум обяывайтö ВЛКСМ райкоммезсö обсудитны этö решеннëсö комсомольскöй активлön районнöй собраннëз вылын.

ОК-лön пленум корö округись быдöс комсомольскöй организациясö ВЛКСМ ЦК-лön IV да VII пленуммезлись решеннëз олöмö большевистскöя пыртöм вылö.

ВЫТОВОЙ ВОПРОСЫЗ ЙЫЛІСЬ

КОКНИТ ПРАВВЭЗ

Народлөн врагез—троцкистско-бухаринской банда тээ да японо-немецкой фашистской шпионез, кідна орудуйтисо комсомолын, ассинне подрывной удж нубтисо сідз, медбы разложитны советской том отирос, керны сійо небоеспособнойон, торйотны партия кяпод увтись. Этö вражеской уджсö—бытовöй да политической разложенисö ния медодз нубтисö пируйтöм пырті. Ния былнөдж ошкисö большевизмlö чуждой представленнөез быт йылісь: бытте быт эм личной, частной дело, кōда пö оз йитсь политикакōт. Этасяны комсомолын вужьясисö „кокнит праввез“—уважк юны вина, чулөтны кад пируйткō. Мукōд организациязын натодиль организуйтчылісö код банкеттэз, чулөтчисö семейной рыттэз обязательно спиртной юанторрезон.

Этатшöм „кокнит праввез“ öндз абу бырөтөмась окружной газетаз редакциясы да типографиясы комсомольской организациязын. Комсомолецез сө эшö пируйтöм вылө видзөтöны кызд личной, нормальной дело вылө.

Декабрь 5 лувö миллионез празднуйтисö Великой Сталинской Конституциялыс лун. Комсомолецез редакциязыс да типографиясы сы туйö, медбы культурной чулөтны этö народной праздникөй, рытнас керисö пирушка.

Кол рыт чулөтöм вылө нбөббмась 20 литра чочком вина да 15 литра гөрл вина. Вина пирушка вылө, кōдö мукōд комсомолецез небыта шуöны „семейной рытöн“, нбөбис комиссия, кōдаын вöлісö: редакциязыс комсомольской комитетлөн секретарьос вежись Голева Л. С., комсомолецез Мельчаков да Тотьянина.

„Семейной рыт“ вылын юсисö тöдöм öпштытöдз. Комсомолкаэз Голева, Тотьянина да комсомолец Мельчаков вина удалісö, комсомолецезлө, тшөктисö нийö юны. Кин эз ю, сійö быднөдж манитисö юны. Этa понда чочком вина вöлі сорлалөм гөрл винаөн. Шадрин И. А. юм сөтчөдз, нельки пызан саяс и ваньтöм. Редакциясы комсорг Булычев мыччалөм умöль примир; сия ачыс медперво пондöм юны, сыбөрүн кодувьлс ветлөтöм пидзөс вылас. Новиков юм кок садь быртөдз. Типографиясы комсорг Никитин тожö вöлөм код.

Юм бөрүн лөбтөмась зык: öтиккөз усялөмась, мөдиккөз споритөмась, а кумиттэз йөктөмась сөтөн, кытөн вермөмась.

Пожарной командасы политрукос-комсомолецöс Кудымовс И. И., кōда бы эз мешайт буянитны, кутөмась да юкталөмась кок йылісь усьтөдз.

Этатшöм пирушка лөсьöтöм йылісь төдис ВЛКСМ

Кудымкарской райкомлөн секретарь өрт Ильиных, но эз примит мерааз, медбы пирушка не лэдэны осьны.

Редакцияны да типографияны эта фактыс не единичной. Ноябрь 7 лувö сөтшöм жö пирушка вöлі типография общежитияны. Мукōд комсомолецезлөн пируйтöм пырис системаö.

Январь 24 лунö редакциязыс организацияны вöлі комсомольской собраннө. Собраннө вылын комсомолецез баитисö небыта, критика вöлі лажмыт идейно-политической уровень вылын. Например, Новиков ассис некомсомольской поступок критикуйтöм туйö шулис: „Юны колö наказаннөезтöг, юны сідз, медбы некин эз адззыв“.

Комсорг Булычев висьталіс собраннөлө, что „Меневнаөн пыр ювла винасö только сахарөн, сідз-кызд ме шөгала ангиная“.

Собраннө этатшöм не большевистской басниэзлө эз сет принципиальной политической оценка.

Быдөс этна пресловутой „кокнит праввезсö“ колö пошататөг уничтожайтаны. Колö пыр видзны төд вылын, что быт—эта политика, быт—эта классовой песьбөм. Кин бытын асьсө видаö не сөстөма, сия и полатываны оз вермы лоны сөстөмөн.

Н. Б.

Окружной комсомольской конференция йылісь

Х Коми-Пермяцкой окружной комсомольской конференция оссь январь 30 лунö рытнас 6 часö гортееатрын.

Делегаттэзос регистрируйтöм пондөтчас асывсаян ВЛКСМ окружкомын.

ВЛКСМ ОК.

Öта-мөд коласын соревнуйтчам

Мийö, комсомолецез, Тукачев А. Д. да Якимов Ф. А. комсомольской собраннө вылын босьтөм ас выланым обязательство 1938-39 годся вөрзаптан сезонö керавны 1000 фесметрайн пөс. Этö ассиным обязательство мийö тыртам чөстбөн. Мийö кыкнаным кералөм пөс унажык-ни 800 фесметрайнс.

Январь 15-өт лунсян 12 лунöя ме, Тукачев, кералі пөс 187 фесметра, норма тырті 170 процент вылө. Якимов тырті ассис норма 158 процент вылө. Мийö босьтам обязательство уджавны сідз, медбы керавны пөс 80 норма сезонö и корам быдөс вөрнын уджалісь комсомолецезсө сідзжө пөссыны вөрзаптан плян тыртöм понда.

Тукачев, Якимов

Комсомолецез—вөркералнөсөз Тукачевской комсомольской организацияныс (Юсьвинской район).

ЛЫЖНОЙ СОРЕВНОВАНИЕЗ

Январь 15 лунö Юсьва-Калашников Н. (Юсьва)—24 м. 05 сек.; Чечулин В. (Юсьва)—24 м. 12 сек.

Колö висьтаваны, что соревнованнөез кежö лөсьөтчөм вöлі чулөтöм умöля; эз вөв точной маршрут, эз вөв лампа туй.

Юсьваын вöлі оврСФК-показателлөз мыччаліс: Бурлаков Федор (Архангельск), кōда 5 километр дурна оліс Юсьваас да муніс 23 м. 50 секундайн; Мальцев

Городской шахматной турнир

Январь 20 лувö Кудымкарын (велөтисөз керкуын) пондөтчис шахматной турнир городской первенство вылө. Турнирын орсөн кык группа 27 мортись.

Онi кончайтöны орсны полуфинальной партияз. Медодзын турнир вылын мунö Долгопольских (вөртрест), кōда 11 орсөн партиязыс өктис 10,5 очко.

Мөдөдз местаны мунö Крохалев (вөртрест). Сия өктис 8,5 очко. Шахматисттэз Голев (окрзо) да Хованов имейтöны 7 очкоын.

Полуфинальной орсөм-мез бөрүн лөас финал, кōда вылын пондасө вермасьны 12 медбур орсиссез, полуфинальной орсөмын первойся 6-өдз местаэз босьтиссез.

П. Коробов

СТУДЕНТТЭЗЛЭН ПОНДӨТЧИСЭ ТЭВСЯ КАНИКУЛЛЭЗ

Кудымкарской медицинский школын төвсө каникуллэз пондөтчисө организованнөя. Комсомольской организация да местком сувтөтисө каникуллэз чулөтан плян. Этa плян сьбөртi январь 24 лунö студенттэз öгмаын ветлөсө кинотеатрö, видеөтисö „Буйной ватага“ нима фильм.

Каникуллэз коста студенттэз организованнөя ветласö драматической театрö, керласö лампааз вылын прогулкааз да чулөтасö художественной самодетельность рыттэз.

Школаыс дирекция да профком студенттэзліс культурной шөччисян организуйтöм вылө лэдзисö натодильной средствааз.

Шутова

Вөртехникумись студенттэз радөн да гажөн петисö төвсө каникуллэз вылө. 15 студент-отличник мунисө шөччисян керкуö. Ны

Коласын мунисө шөччисяны Белёва Зоя да Кырманов Петр, кōдна быд предмет сьбөртi видеөны телько отличной оценказ.

Этна луннэзö студенттэз организованнөя ветласө каток вылө.

О. Н.

„ЧАСТУШКАЗ“

Коми пöйттэз Василь Миков да Иву Степко кельбм годö өктисө народной частушказ. Онi „Частушказ“ петисө печатись и вузасьбны огиз магазинны.

Частушказын сызвсь виль, гажа олан.

М. Тотьмянина

ВЕСЬКÖТÖМ

„Том большевик“ газета январь 22 лунся номерын вöлі печатаятöм заметка „Том комсомолецезкөт оз нубтö удж“. Заметка увтын сулало юнкорлөн подпийсь „А. Мехоношин“. Колö лыддыны на А. Мехоношин, а „А. МЕХОНОШИНА“.

РЕДАКЦИЯ.

Отв. редакторлісь
О. И-тись Н. Бражнин

Мыля комсомолец Калин умöля видзö ассис мамсö

Калина Марфа Савельевна пöрисмытөдз заботитчис аслас челядь пондас; быдтис нийö, пасьтөтис, көмөтис, гердис...

Калиналö öнi 60 год-ни, уджавны оз вермы. Босьтис сійö ас дынас сылөн зон-комсомолец Калин Иван Савельевич. Но эз чулав кык месяц, кызд Калинлөн иньыс пондис обидитны старушкаос Калинос, вымокдявны сійö быднөдж и нельки эз понды сетны сөйны нянь.

Комсомолец Калин эта

йылісь, төдис но иньыслө нем эз висьтав.

Январь 24 лунö И. С. Калинлөн иньыс жөнныкис-төг мамсö гортисе вашөтис. Мун-пö чужьяв улицаэзөттяс лымсө, тэ мянлө он ков“.

Но кытчө-жө мунас старушка Калина? Керку сылөн абу, деньга абу, уджавны оз вермы.

Калинлө эз лок сьблөм дынөдз мамыслөн этшөм олөмыс. Сия не комсомолец мөз керис, көр мамсö бөр гортас эз кор и эз примит.

Этадз комсомолецлө керны оз позь.

Кудымкарыс почтовой комсомольской организациялө колö явны комсомолец Калинлісь, мыля сия сідз умöля, некомсомолец мөз, видзö ассис мамсö, осудитны этö некомсомольской поступоксө да тшөктыны видзны Калинос ассис мамсö сідз, кызд должен видзны ассис ай-мам быд комсомолец, быд сознательной советской гражданин.

И. Ш.

Кочеваян оз заботитчө том маммез йылісь

Партия, правительство да өрт Сталин бура заботитчөны челядь воспитайтöм да ува челядь маммез йылісь. Колö бы округись быд организациялө сідзжө заботитчыны отир йылісь. Но мыля-кө Кочевской районны мукōд организациязыс руководителлөз учөт челядя маммез йылісь вунөтөмась, а мукōд пырсяс слөкыт ивьякээс бюрократической вашөтлөнны өтөр-мөдбөр.

Чулаліс вель месяц, кызд ме локтi декретной отпускеянь, но отпуск понда да кага чужтöм понда денга бнөдз эзө сетö, а токо вашөтлөнны учрежденнөись учрежденнөй и медбөрүн райздрав сетис чек, кōдйөн

ме унажык 15 лунся ветлі госбанкö, но банк денга эз сет, абу пö денгаыс.

Эта вопросөн ме вовлі ВЛКСМ райкомö, но и сия некытшөм отсөт меным эз сет.

Этшөм бюрократической отношеннө понда вивовниккөс колö тшөктыны видзны ответ.

САЛЬНИКОВА

Кочевской районись Б-Кочинской больницаыс акушерка.

Наньзаводын комсомольской организация оз уджав

Умöля сувтөтöм удж наньзаводись комсомольской организацияны. Ком-

сомолецез нельки озö төдö ассинныс комсоргос.

Комсомолец өрт Канюков баитö: „Ме ог төд, кин мян комсоргыс. Комсомольской собраннөез эз вöлө важын-ни. Мийö, комсомолецез, огö велөтö ВКП(б)-лісь история. Велөтны ВКП(б)-лісь история өтiкөн некытшөм отсөттөг огö вермө. Миян политической уровень лажмыт“. Комсомолецез корöны организуйтны ВКП(б)-история велөтан кружок.

Быдөс эта йылісь бура төдö ВЛКСМ-лөн райком, но мыля-кө некытшөм отсөт оз сет.

Наньзаводись комсомолецез корöны ВЛКСМ райкомос отсавны нылө лөсьөтны удж организацияны.

Нешатаева